

Txirritola

ARAMAIO / Barikua / 2002ko martxoaren 8a / 18. zenbakia

KOORDINATZAILEA: Ubane Madera • Otorala Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

Hiru bertsolari aramaioar Arabako Bertsolari Txapelketara

UBANE MADERA

Manex Agirre, Lierni Altuna eta Andere Arriolabengoa aramaioarrak Arabako Bertsolari Txapelketako kanporaketetan izango dira. Lierni eta Anderek bihar, zapatua, dute kanporaketa. Manexek, berriz, martxoaren 23an. Kanporaketa bakoitzetik lau lagun sailkatuko dira final-aurreetarako.

Kanporaketa bakoitzean sei lagun arituko dira norgehiagokan. Hortaz, bihar, zapatua, Lierni Altuna eta Andere Arriolabengoa beste lau lagunekin arituko dira lehian, 19:00etatik aurrera. Gero, martxoaren 23an, Manex Agirrek gauza bera egin beharko du bes-

te bost lagunena kontra, Lapuebla de Labarcan, hori ere 19:00etatik aurrera. Esan bezala, parte hartuko duten hamabi bertsolarien artean, zortzi sailkatuko dira final-aurreetarako. Oihane Perea bertsolariak argitu digunez, puntuazioaren arabera egingo dute sailkapen hori. Ofizioki bi bertso zortziko txikian eta beste bi zortziko handian, oinak emanda bertso bat eta hitza emanda beste bertso bat bota beharko dituzte parte hartzaileek.

Aramaioarrek, fin ibiliz gero, finalerdietan parte hartzeko aukera izango dute. Bi saio izango dituzte finalerdietan. Bata, Aramaion bertan jokatu da, eta bestea, Araian. Aramaio saioa apirilaren 13an izango da,

kultura etxean: iaz finalean parte hartu zuten Ruben Sánchez eta Asier Otamendi bertsolari gasteiztarrek eta aurtengo kanporaketetatik sailkatutako lau bertsolari hartuko dute parte. Araio saioa, berriz, apirilaren 20an izango da: Oihane Perea eta Juan Mari Juaristi bertsolariekin batera, aurtengo kanporaketetan sailkatutako beste lau bertsolari arituko dira.

Eta gero, horietatik sei onenek finala jokatu dute. Gasteizen izango da hori, maiatzaren 11n, Printzipal antzokian. Jakina, handik irtengo da aurtengo Arabako txapelduna.

HIRUGARREN URTEA

Manex Agirre, Lierni Altuna eta Andere Arriolabengoa aramaioarrak hirugarren aldiz joango dira aurtengo Arabako Bertsolari Txapelketara. Hirurak Aramaio Bertso Eskolan ikasitakoak dira. Are gehiago, gaur egun, Manex Agirre da bertso eskolako irakasle eta bat, Oihane Perea berekin batera. Manexek adierazi digunez, bi talde dituzte herrian: gaztetxoek osatutako bat eta nagusiagoek osatutako beste bat. Gutxi gorabehera hamar-hamabi bat ikasle, guztira. Manexen hitzetan, "ez dakit zaletasunik duten, baina zarata ateratzeko gogo handia dute eta oso motibazio ona. Hortaz, hemendik zerbait irtengo dela uste dut".

Bitartean, herriko bertsolari nagusiagoei begiratu diegu eta ea, bada, oraingo urtean zorte ona duten Arabako Txapelketan.



ARTXIBOA

Finalerdietako saio bat Aramaion jokatu dute, apirilaren 13an, kultura etxean.



Istripu ikusgarria Aramaiora bidean

Argazkiko bi ibilgailuek (Bilbon matrikulatutako Ford Scorpio bat eta Logroñon matrikulatutako Ford Transit furgoneta bat) aurrez aurre jo zuten joan den martitzenean Aramaiora bidean. Dirudenez, eguraldia izan zen istripuaren arrazoia. Izan ere, martitzenean, euria mara-mara egin zuen, bereziki, goiz partean. Istripuaren ondorioz, lau lagun (Sestaoko hiru gizon eta 17, 18 eta 41 urtekoak, eta Arrasaten bizi den 58 urteko emakume aramaioar bat) Eskualde Ospitalera eraman behar izan zituzten. Guztiak ere zauri arinekin.

LABUR

Paleta Txapelketaren finala, barikuan

Datorren martxoaren 15ean jokatu dute aurtengo Paleta Txapelketaren finala. Aurreko astean, Barandiaran aita-emeek 35-13 irabazi zieten Azurmendi eta Arriolabengoari. Eta Ojangurenek eta Garaitak 35-13 irabazi zieten Armendarizi eta Orobengoari. Hortaz, Barandiaran aita-emeek eta Ojangurenek eta Garaitak jokatu dute finala. Azurmendi-Arriolabengoa eta Armendariz-Orobengoa hirugarren postua lortzeko lehian izango dira.

TTUKUN


- Fotokopiak
- Liburu jostak
- Fotokopiak koloretan
- Planoen kopia
- Offset-a

Ferrerias, 23 • ARRASATE
Tel.: 943 79 46 62

TOLDOS
LECE C/B

Kataide Industrialdea, 14 Musakola • ARRASATE
Tel.: 943 79 23 83 Faxa: 943 77 04 45

Eguzkiari aurre egiten diogu
inork baino hobeto



TELEFONO JAKINGARRIAK

OSASUNA / LARRIALDIAK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuliako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	
GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

OHARRAK

DIRULAGUNTZA DEIALDIA

Gizarte Ongintzako Foru Erakundeak ezintasunak edo zailtasunak dituztenen dako dirulaguntza deialdia zabaldu du. Interesatuak apirilaren 2a baino lehen egin beharko dute eskaera. Argibide gehiago Udaleko Gizarte laguntzailearen bulegoan, eguztenetan, 12:00etatik 15:00etara.

AEROBIC IRAKASLEA

Aramaioko emakume talde batek aerobica egiteko irakaslea behar du. Interesatuok deitu 945 445324 telefonora eta Begoña Etxabegatik galdetu.

ARETO FUTBOLA

Kadete mailako mutilek 10-2 irabazi zieten Baro-Calo Ikastetxekoei. Neskek, aldiz, 2-13 galdu zuten Menesianosen kontra. Bihar, zapatua, El Campilloren kontra jokatu dute mutilek 12:00etan, Gasteizen. Neskek, berriz, Legutioaren kontra dute partidua 10:00etan, Legutioan.

ZINEA

Como mola ser mono filma izango da 17:00etan.

NATURA

Pagoak eta lizarrak landatu zituzten Kurtzetan San Martin Eskolako umeeek

Joan den barikuan, Zuhaitz Eguna ospatu zuten Aramaion. San Martin Eskolako zortzi urtetik hamaika urtera arteko ikasleek 25 pago eta bost lizar landatu zituzten Kurtzetako zelai baten. Hori bai, eskolako irakasleak eta basozaina izan zituzten lagun.

Aurrez, neska-mutikoei lur motak, landareak eta landatze motak bereizten ikasten ibili dira eskolan. Eta zuhaitzak landatu eta gero, naturaren eta zuhaitzen gaineko informazio gehiago jaso zuten barikuan. Izan ere, basozainak beste urte batzuetan landatutako zuhaitzak erakutsi eta bakoitzaren gaineko azalpenak eman zizkien herriko neska-mutikoei. Galdera-erantzunen bitartez, haritza, sahatsa, urkia eta pinu motak bereizten ikasi zuten gaztetxoek.



HERRIKO KONTUAK

ANBOTOKO SEÑORIE

Anbotoko Señorie esaten zan asko. Nik eztaitt, bersiño diferentiek egongo die. Esaten bate-rako, pastoriek pe ikusi itten auela. Nik ikusten dot: azala oso dotor, uliek urrezko kolorekuek eta orrazketan-orrazketan ulie. Orrasixe be urrezko kolorekue zan. Eta ibiltten zala batetik bestera, Anboton pasaten auela urie eta gero Aralaren, eta batea eta bestea; eta inkluso ba horrek esan gura auen ikusten auela egunez pastoriek eta gauze jende askok. Esaten auen ba: "han dabil Anbotoko Señorie batetik bestea" holan argixe moruen, esate baetrako, holan izarrak izeten diela batea eta bestea pase-tan dienak. Jentiek pa hori siñix-tu itten auen. Ikusten auen Anbotoko Señorie.

Da batzuk esaten dauie hori zala Salgoko alabie. Eta amak bi alaba aukela ta txarto portau zanez amak maldeziño bat bota eta bialdu auela.

Patkixe Ibabe
'Aramaioko ipuin
eta legendak'

BOTE PRONTOAN/ Markel Ormaetxea · Azkoagako auzo-alkatea

“Azkoagan jende dezente gehiago dago orain, eta hemen etxeak egiteko oso eskaera handia dago”

Azkoaga auzoa bisitatu dugu oraingo astean Aramaion. Markel Ormaetxea mundakarra da Azkoagako auzo-alkatea. Nahiz eta itsasotik urrun egon, Azkoagan ondo asko bizi direla kontatu digu Markelek, pribilegiatuak direla:


Zelan aukeratzen da alkatea Azkoagan?

Batzar baten aukeratzen dugu. Auzoko edozein izan daiteke alkate, baina saiatzen gara auzokide bera ez aukeratzen. **Zenbat lagun bizi zarete?** Bi auzo batzen ditugu, Zabola eta Azkoaga. Guztira 100 bat lagun gara. Hogeita hamar bat baserri daude, eta bakarria bizi da baserritik, ganadua du. **Lehen baino lagun gehiago?**

Bai, dezente gehiago. Gehienak hemengo seme-alabak dira, baina Arrasatetik ere etorri da jendea (bost bat). Etxe berriak egin dira. Eta eskaera handia dago, oso handia.

Eta hobeto? Bizitasun gehiago dago orain. Zein lekutan elkartzen zarete?

Dukiena jatetxea dago eta Untzueta baserri turismoa; horrez gain, elkartea ere badugu: Leizarrondo. Batez ere, txoko hartan elkartzen gara. **Badago leku bereziren bat, pertsona bereziren bat?** Labiena baserriko seme bat gotzaina izan zen Boliviako Cochabamban. Orain dela urte batzuk, baserri zoragarri bat izan zen Azkoagan: Etxebarri. Orain dela 30



urte desmuntatu eta Hondarribira eraman zuten, hain justu, halako artelanak bere horretan babesteko legea atera baino apur bat lehenago; bestela, hemen egongo litzateke...

Zer eskatuko zenioke Udalari?

Egia esan, gaur egun oso ondo gaude. Saneamendua, argindarra eta horrelakoak eginda daude. Untzillarako bidea konpontzea eta gazteendako txokoan ere konponketak egitea gustatuko litzateke. Baina hori eskatuta dugu.

Zer aldatuko zenuke?

Ba, akaso, auzoa apurtxo bat zainduko nuke. Handituz doa, eta horrela segituz gero, Azkoaga-Zabola eta Barajuen kale bakarria izango dira. Hori zainduko nuke.

MADINA ZURAK
Aroztegia

- Olak
- Aglomeratuak
- Kontraxapatuak
- Tablexa
- Ateak
- Egurrezko leihoak
- Oin-inguruak
- Zangoak
- Aroztegiko osagarriak

Zarugalde, 38 • Tel.: 943 79 13 78

M
MEMESA
Industria
hornidurak
Tel. 943 71 24 25

arbolapeta

arrasate

beinke

Garagardo ona, giro hobea

TXIRRITA
Taberna
Gesalibar auzoa. Tel.: 943 79 10 35